

1. Ditaba tsa kgoši tša ga Langa.

Ba ga Langa ba tšwa ga "Langalibalele" ke gore: Tšatši le a fiša. E be e le Maono goba Mazula pele go tlogeng ga bona. Kgoši ya ga Langa ya pele ke Mabuzo. Mabuzo a tswala Podile. Podile a tswala Masebe. Masebe a tswala Phalana, Phalana a tswala Seritarita. Seritarita a tswala Mapela. Mapela a tswalwa le Makgenene, e be e le bana ba monna e se ba mosadi. Makgenene a lwa le Mapela ba ba ka bogosi. Mapela a fenywa Makgenene. Makgenene a chabela ga Mokopane a rufwa gona ke kgoši ya atshe. Mapela a tswala Seloki, e le morwa wa Mapela wa pele yo a loketseng setulo ge papage Mapela a hwile. Mapela a yo tšea ga Malome age Ledwaba, ngwana a malome age a mo tswalela mošimane lebitšo la gage ba re ke Tšapoga. Mapela a rata go ncha Seloki bogosing go tsene Tšapoga.

Sechaba sa gana sa re go Mapela sa re, o kgoši ya Mphoyane, e ka se re Selaki a godile e le eena kgoši, ba tšewa ke Tšapoga. Ba raka Mapela nageng ya bona gwa buša Selaki. Mapela chabela ga Mokopane go Makgenene yola a beng a lwa nae Makgenene a mo amogela ka lerato. Mapela a ya ga Mokopane le Malea morwa wa gagwe yo monyane. Bjale ge ba šetše ba beile Selaki gore e be kgoši, a se ke a buša lebaka le le telele, a phakiša a hwa. Bjale gwa wa tšala e kgolo, pula ya se ke ya na, ke ge Mapela a le kwa ga Mokopane. Sechaba sa re a rieng re yo bitša kgoši ya rena Mapela a tle a re nešetše pula. Bjale ba ya ba mmitša a boya, ga a buile le morwa wa gagwe Malea, ya e ba kgoši, e le Mokgalabje. Mapela o be a na le barwa ba bararo: e be e le Selaki, Rakgōtha le Malea. Rakgōtha a hwa a na le mošimane a na le mengwaga e 8 a mo tlogela ga malome age; x lebitšo la gage ke Mankopane. Mapela a robala le Mankopane ka ntlong e tše. Ge a tsoga a apara letata la diphekubje mo apesha ka lona, a mnea mo pele batho ba sa mmone, ge a fihle kgorong banna ba se ke ba mmona ge a phatile letata la diphekubje fela. A sa nnele mollo, a nnela kgošana, a e ja tša motshēgo le kgoši.

/Malea.....

sl41

3. Malea ke ngwana a Mapela. rangwane a Mankopane. Mapela a hwa gwa buša Malea morwa saawe yo monyane, rangwane a Mankopane, a swaretse mankopane bogosi. Bjale Mankopane ge a godile sechaba sa re go Malea, a nea Mankopane bogosi, babo, Malea a gana bogosi. Sechaba sa ema le Mankopane; Mankopane a leleka Malea nakeng vabo, yena a ya ga Mankopane a chabela gona. Kgoši ya galaka ya e ba Mankopane. Mankopane a tswala Masebe. Masebe a tswala Hans le Bakeberg. Mantlakane ga e sa le kgoši, kgoši o tšea ditokelo tša go buša kwa ga Masebe Alfred Masebe a rata gore kgoši e be Bakeberg, a mmontšha dichelete tša gage mo a ipetšego; sechaba sa gana, ga a ka a phutha sechaba go kgetha kgoši, o be a ba butšiša ka o tee, ka o tee, gore na ba rata mang, ba re kgoši ke Hans. Ge batho ba gana Bakeberg, a nama masebe a ithuncha ka raborolo batho ba robetše e le bošego go šetše go tlilo sa. Ge a bona gore ke ba bantši ba ba ratago
4. Bakeberg. Ge a ipolaila sechaba sa kgobokana gore se nyake kgoši; ba bangwe ba re ke Hans, ba bangwe ba re ke Bakeberg. Bakeberg a tswala Mmantlhakane. Hans a tswala Alfred Masebe. Markus a swarala Alfred Bogosi, ge a godile a raka Markus, Markus a ya go Mmantlhakane Damascus, Mantlhakane a mo fa seripa sa naga ya gagwe. Markus a hwela Damascus a bolokwa gona. Ge a kubile Markus, a koba le basadi ba gage ba 6 le bana ba bona ka moka, a šala le bana ba babedi. Alfred a reka motoro a thulana le e mengwe a segwa ke digalase, a ya disepataleng, bjale o thulane le lekgowa le hwile eena o robegile maoto a mabedi o sepela ka dithata. Bogosi bja Hans le Bakeberg bo beilwe ke makgowa ge sechaba sebaka bogosi. Bjale Hans are ke yo ipega kwa go Paul Kruger le Piet Jourbert. Hans a thibelwa ke Mnyheer Krause. Krause a bolela ka lethale la dithata le Jourbert, ditaba tša ga Langgale ka mo ba ganelang Hans le g ka mo ba ganelang Hans le bogosi. Bjale Jourbert a re ke etla, a tla le mabolontiri a gagwe. Hans a na le bona.
5. Sehlako a re ngwalela a re sechaba se a nyakega ga Mankopane go kgetha kgoši, ba bea methaladi ka thoko tšohle. Kgoši Bakeberg

/le Hans.....

le Hans ba be ba cutše dipankeng ga re ga mabolonthiri a Joubert, sechaba se dutše fase; mme Piet Joubert a ema a re ba e leng ba Hans ga ba ema ba emele mola, ba nama ba ya, lepatata la lela, bye! bye! bye! E be e le ba bantši ba ba ba emang le yena Hans. Sehloko a ema, Komosasa, a re bale ke bašimane re yo kwa bakgalabje kwa gae, re o bona gore ba bantši ke ba mang. Ba ya Pudi a kgopa le Sehloko a le gona, le sechaba ka moka se se beng se bušwa ke Masebe Mahlaba. Ba ngwala ba Hans tšatši la ba la subela. Bjale Piet Joubert a re bogosi ke ba Hans. Sehloko a emela Bakeberg ka baka la dichelete tše a mo fago; tše di tlogetšwego ke papage, ge a e hwa. Mašalela a e ba gona a latela Bakeberg. Bakeberg le yena ya ba kgoši. Ke yona taodišo ya dikgoši tša Galaka.

ENDS. S/L, 1